



Na osnovu Ugovora između Međunarodne organizacije rada i Udruženja za poduzetništvo i posao LiNK Mostar o implementaciji Projekta “Mentorstvom do snažnijih lokalnih partnerstava za zapošljavanje – LPZ Mentor”, ATT d.o.o i Udruženje LiNK Mostar objavljuju:

Javni poziv za prijavu sudjelovanja u programu obuke i prekvalifikacije u metalskom sektoru – CNC operater

I. Uvod

Projekat “Mentorstvom do snažnijih lokalnih partnerstava za zapošljavanje – LPZ Mentor” provodi Udruženje za poduzetništvo i posao LiNK Mostar (kao vodeći partner) u saradnji s partnerima: JU Službe za zapošljavanje SBK i HNK, Općine Gornji Vakuf-Uskoplje i Jablanica, JU Srednja škola Jablanica, Mašinski fakultet Mostar, Jablanit d.o.o. Jablanica i ATT d.o.o. Gornji Vakuf – Uskoplje. Projekat se realizira u okviru programa „Podrška Evropske unije lokalnim partnerstvima za zapošljavanje Faza II“ koji finansira Evropska unija, a provodi Međunarodna organizacija rada. Osnovni cilj projekta je institucionalno ojačati rad na smanjenju nezaposlenosti u Bosni i Hercegovini jačanjem uloge LPZa sa posebnim fokusom na Općine Gornji Vakuf -Uskoplje i Jablanicu.

II. Predmet Javnog poziva

U cilju podrške radnoj integraciji nezaposlenih osoba - aktivnih tražilaca posla, pozivaju se nezaposlene osobe da se prijave za učešće u programu obuke i prekvalifikacije i povećaju mogućnost zapošljavanja. Cilj obuka po ovom Javnom pozivu je osposobljavanje i usavršavanje osoba u metalskom sektoru za rad na poslovima CNC operatera.

III. Finansijska sredstva

Planirana sredstva za realizaciju Programa obuke i stručnog usavršavanja po ovom Javnom pozivu obezbijeđena su u okviru programa „Podrška Evropske unije lokalnim partnerstvima za zapošljavanje Faza II“ koji finansira Evropska unija.

IV. Uslovi za obuku

Uslovi za pohađanje obuke i dobivanje uvjerenja/certifikata je redovno pohađanje obuka.

Mjesto odvijanja obuke: Srednja škola i prostorije/pogon ATT D.O.O.

Način izvođenja obuke: teorija + praksa.

Polaznici sami snose troškove prijevoza.

Organizator će obezbijediti troškove osiguranja za kandidate.

Obuke će se organizirati u ciklusima i grupama u zavisnosti od prijave kandidata.





V. Ciljna grupa

Ciljnu grupu po ovom javnom pozivu čine nezaposlene osobe sa evidencije Službe za zapošljavanje SBK/Ž, Biro Gornji Vakuf/Uskoplje, te aktivni tražitelji zaposlenja (minimalno sa osnovnim obrazovanjem, a poželjno sa srednjom stručnom spremom).

Prednost prilikom prijave će imati žene, mladi do 35 godina, osobe sa invaliditetom i osobe koje su već duže vremena na evidenciji Službe za zapošljavanje.

VI. Dokumentacija potrebna za prijavu

Nezaposlene osobe iz ciljne grupe koje žele učestvovati u Programu obuke, dužne su u predviđenom roku dostaviti popunjen obrazac prijave (u prilogu Javnog poziva). Svi navodi iz prijave će biti provjereni po službenoj dužnosti.

VII. Odabir kandidata

Odabir kandidata će se izvršiti na osnovu prethodno definisanih kriterija i obrasca koji je sastavni dio prijave. Odabir će vršiti komisija sastavljena od predstavnika partnerskih organizacija na projektu. Rang lista će se praviti na osnovu ukupnog broja bodova.

VIII. Način i rok za podnošenje prijava

Zainteresirani kandidati treba da popune online prijavni obrazac koji je dostupan na [linku](#) ili na šalteru općine Gornji Vakuf – Uskoplje i ATT d.o.o.

Samo potpune prijave bit će uzete u razmatranje.

Javni poziv je otvoren do **20.12.2022. godine**.

Rezultati Javnog poziva bit će objavljeni na društvenim mrežama Udruženja LiNK Mostar i partnerskih organizacija, te na oglasnoj ploči Službe za zapošljavanje SBK - Biro Gornji Vakuf-Uskoplje.

IX. Dodatne informacije mogu se dobiti na sljedećim adresama:

ATT D O.O.: Adnan Telalović; adnan@att.ba, 061/240-570

Udrugženje LiNK Mostar: ivana@linkmostar.org; tel: 036/580-151

